

茅山志卷之三十三

大九

上清嗣宋師劉大彬造

金籙編

雜著

謝靈運羅浮山賦序曰客夜夢見延陵茅山

在京之東南明旦得洞經所載羅浮山事云

茅山是洞庭口南通羅浮正與夢中意相會

遂感而作羅浮山賦

梁武帝記齊中興元年十二月乙酉甘露降

茅山瀾漫數里

周氏玄通記梁天監十二年甲午臘月望甘

露降周子良解舍壇前松樹

陶真人請雨墨詞

華陽隱居陶弘景道士周子良詞竊尋下民

之命粒食為本農功所資在於潤澤頃亢旱

積旬苗稼焦涸遠近嗷嗷瞻天雀息百姓析

請水無感降伏聞雨水之任有所司存顧哀

憫矜首霑垂露渥吁風召雲膚寸而合使洪

濼溢川水陸咸濟則白鶴之詠復興於今共

伸至誠稽顙詞請謹詞天監十四年太歲乙

未六月二十日詞詣句曲華陽洞天張理禁

趙丞前

沈約上隱居書

先生襟批流俗超然獨遠列覽羽帶總轡雲

霞方當名書絳闕身游玄關憑星夕外望日

朝飡而至理深微曖然難覩雖欲下風問道

未知厥路若夫棲邊開遠咀嚙瓊芝出入清

都師友靈聖循崖返跡無缺惟心

庚有吾謝隱居齋木煎啓

切以綠葉抽條生於首峯之側紫花縹色出

自鄭巖之下山精見書華神在蘇木祭人謝

盡採擷之難存且移申窮的漑之劑故能競

英雲珠爭奇水玉百邪外禦六府內充自非

身疲掌硯役倦攀桃豈可立致還年坐生羽

翼臨沅丹井方覺可捐鄴縣菊泉無勞復汲

庶得逶遊海岸追滄子之塵馳驚霍山共陳

玉為侶淫俗輕施尚曰難酬出世鴻恩寧知

上報

又謝木蒸啓

味重金煖芳瑜玉液足使芝慚明麗丹愧夫

容坐致延生伏深銘戴

唐史天寶七載五月詔後漢天師張道陵毋

贈太師梁貞白先生陶弘景毋贈太保

良常山蒼龍溪新宮銘

良常西麓源澤東泄新宮弘索軒轅嶽雕

珉盤瓊鏤檀竦竦碧瓦鱗差瑤階彤蔽閣凝

瑞霧樓橫祥雲駟虞巡微昌明捧闌珠樹觀

連玉泉炬折靈龜返集聖日頽晰太上游儲

無極使闕百神守衛諸真班列仙翁鶴立道

師水潔飲玉成漿饌瓊為骨桂旗不動蘭煙

互設妙樂競奏流鈴間發天籟虛徐風雨冷

激風歌謠律鶴舞會節三變玄雲九成絳雪

易遠徒語童初詎說如毀乾坤自有日月紫

陽其人山玄卿誤五雲閣吏蔡少霞書

唐史敬宗即位年詔浙西造銀鞋具進觀察

使李德裕奏云云昨奉五月二十三日詔書

令訪茅山真隱將欲師處謙守約之道務務

實去華之美寧無人上塞丹詔而率土已偃

皇風豈止微臣獨懷抃賀

黃華老人雪溪堂法書刻李贊皇真蹟茅山

初置紫陽觀勅書於揚州龍興觀李天師舊院取得送還紫陽觀開成二年七月二十七日淮南節度使檢校戶部尚書兼揚州長史李德裕

宋會誌諸遣使投龍簡處建道場三晝夜設醮一百二十分若遣使或差官致祭設齋醮所須之物並檢舉及時辦集若使人過有須索差擾隨處具奏江南道名山衡廬茅藉天目天台會稽四明括蒼縉雲金華大庾武夷唐地志亦云

宋史章聖皇帝遣中使橋茅山遇異人言王真人已降生當為宋第四帝使問王真人何人曰燈人氏章懿李后夢羽衣數百從一仙官自空下及仁宗生宮中火光燭天上五六歲常手持桃木以筋鑽之曰試鑽大耳章聖言所謂燈人信不虛也

二十七代養素宗師宣和間洞賓呂公數從游嘗愛言曰修性者先伏其心修命者先澄其神神清心正則邪不干矣心不能自伏則内生奸火猶丹砂不死見火則飛者矣

唐玄宗行書有賜李含光初二批答李含光表修齋二批答李含光表謝賜批答李含光表投璧批答李含光表起居批答李含光表香信批答李含光表謝修功德肅宗行書有賜李含光初二批答李含光表修齋批答李含光表修功德批答李含光表錫練見宣和書譜

德壽殿紫石茶磨賜凝神卷

御製銘曰截漢玉琢蒼筠鉛運頂乘成塵嘉祐中陳情知句容校書郎西山記近歲士人曾向黃述

玉晨觀入門有二壇其左即長史壇刻云貞白先生立其右云是隱居埋名壇也

三清殿後沐髮老君像甚古周真人池道士王宜言字子誼號王自在年七十許人徽宗屢授道官不就

丹砂泉出叢篠訪卧龍松根盤如龍枝如覆屋嘗有道人結菴其下

喜客泉太元菴嘉祐下六則語見周益公集乾道三年游山記後湖蘇摩隱居畫像贊陸珠妙言字照編簡雲霞三館其人則遠世

衰道喪完節者鮮臨終之歎作世和扁特賜玉印劔還山省劄

皇帝聖旨襄江浙等處行中書省准中書省集賢院呈延祐四年十二月二十六日也先帖木兒怯薛第三日嘉禧殿有時分對保兒

赤陵南大卿燭亦刺未里天留守等本院官曲木太保叔固大學士陳大學士曹大學士奏三茅山掌教具人文書裏說將來在先亡

宋徽宗時分賜與本山元符宮宗師玉印一顆上面刊着九光仙都君的篆文更玉靴法

劔一口是與他代代宗師傳度法錄用的印劔與龍虎山張天師的印劔一般有至元十二年軍馬渡江時分有翟宗師將玉印玉靴

劔藏了後不知著落至元十六年許宗師尋得玉靴劔了延祐四年七月十八日鈎午時分見一箇白面兔鼠走入宮裏法堂後磚

石穴中尋不見兔兒只見有印一顆隨即刷洗認辨得印係祖傳的玉印為那般上呈與集賢院文書來後頭那裏建康路總管府將這印劔解赴行省如今差官將到這裏有

那印劍是他本宗祖來傳度法錄好事裏行用的有怎生可憐見呵將這印劍發回他本山宗師收掌依舊好事裏行用怎生奏呵奉聖旨昨日省官每也這般說來印和劍將到這裏放着有這是先生每法錄裏頭用的恰待救人與的張上卿去既這般呵如今喚將張上卿這裏來分付與他文他發付與三茅山宗師收掌依舊流傳法錄好事裏用者廷與省家文書交那裏官司知道著麼道聖旨了也欽此除外具呈照詳都省咨請欽依施行准此省府除已行下建康路欽依施行外合下仰照驗欽依施行須議割付者

古剎付三茅山掌教真人准此

上清傳真圖序

夫高棲林嶺必先抗青雲之志涵濡玄味必遠尋丹水之源凡學有傳孰大於道是以古之學道者以得師為急為師者以得人為難而況仙者非有求於人道者初不假於外准當爰清爰靜歸心歸誠所冀真靈感應耳信者功德之母感者進修之賊可不慎歟華陽

洞天自漢三茅君飛昇于此魏晉而降仙者棲式神君仙人之所主治雲樞霞佩之所游集蓋地上之天宮人間之仙境故昔人謂道門華陽猶儒門洙泗欲以凡言讚歎彌覺費辭上清玉虛真人劉君大彬命工傳寫祖師真像自紫虛元君凡四十五代俾孟頫又作小傳附書其後藏之山中以貽來葉俾知傳授之緒希心存目注無墜玄風竊惟茲山之靈異斯道之顯揚皆自貞白真人陶君著書立言網羅搜訪不遺餘力故茅魏躡尚獲彷彿於無言之表揚許舊迹猶可追想於既逸之餘慨然遠懷神情飛越嗟乎安得從陶真人於雷平柳泮之間執弟子禮以供筆硯之役乎庶幾考槃阿鑑性泓潭草木未食以終餘年志願畢矣豈敢觀長生不死神仙輕舉耶延祐七年庚申歲九日前翰林學士承旨榮祿大夫知制誥兼修國史趙孟頫序

茅山志卷之三十三

純陽帝君神化妙通紀序

帝一

吾道或以神通誘接塵俗或以藥物救濟善良委順曲成隨機方便大慈大化會歸冰炭歸一源至願至仁備衆德不居一德悟不空之未始了无生之有玄論其微言辭難盡悟其的擬議即違不可智識以度思當在精誠而默會不揣并觀管量於諸經集唐宋史傳據收實跡削去浮華績成一百二十化析為六卷每章就和詩詞彙章直說目之神化妙通紀使同心志士閱卷朗然得觀天象默會道微明通无極重玄了徹純陽至妙圓通无上道真得先天春不自誠意集成高明公心靜鑑自然不迷異運直造天衢矣金陵中和老默子苗善時敬序引